

ՏԿԼՈՐ ՀԱԻԵՐԻ Պ Ա Տ Մ Ո Ւ Թ Ի Ի Ն Ը

Գիւղը, ուր ես եմ ծնուել, գտնուում է Արարատ լեռան դիմաց: Կարող եմ վստահեցնել ձեզ, որ Արարատն ամենագեղեցիկը մեր գիւղից է երեւում: Բայց այսօրուայ պատմութիւնս լեռան մասին չէ, աւելին՝ տկոյր հաւերի:

Այնպէս որ մեր գիւղ գալուց երկու բանում կարող էի վստահ լինել. նախ կը հիանաի Արարատով, եւ կը տեսնէի ու կը լսէի գիւղի գուար-նախօս մարդկանց ու նրանց պատմութիւնները:

Դեհ, ուրեմն գնացիմ, բարեկամ:

Սա մեր գիւղի կենտրոնն է՝ գիւղամէջը: Գիւղի ծերերը գիւղամէջի կշիռն են: Ծառերի տակ շարքով նստած, բեղերն են ոլորում, չիբուխ փաշում ու խօսում անցած-գնացած բաներից: Պապս էլ է այնտեղ: Ծատ չմօտեանաի, թէ չէ կը տեսնի, կը բարկանայ, որ դպրոցից յետոյ փոխ-նակ տուն գնալու, գիւղամէջում պարապ թափառում եմ: Ու ձեռ-նափայտով ցոյց կը տայ տան նանապարհը...

Նկեղեցու փողոցով ներքեւ իջնենք ու թեփուենք աջ: Սա Մացոյենց տունն է: Հըրեմ, էն էլ Մացոն: Զբաղուած է ամենալուրջ ու պատաս-խանատու գործով. արաղ է փաշում: Գիւղացու համար ձմեռուայ պարզ նախապատրաստութիւն է եղածը: Մացոյի դէմքն օդու աստիճանը յանախակի որոշելու «անհրաժեշտ փորձերից», թերեւս աւելի նպատակա-յարմար է գրել՝ գիւղի կիզիչ արեւից, կարմրել է:

Եթէ յիշողութիւնս չի դաւանանում, նրա հսկայական կարմիր փթը բաւական աջ էր ծոռած: Նայենք: Այո՛, չեմ սխալուել: Կիսանաղատ գլուխ, ուրախ աչքեր, հոգին էլ պարզ ու գուլալ՝ իր փաշած օդու նման, անշուշտ, մինչեւ որոշ աստիճան:

Արաղը ծորում է մանանայի պէս, արեւը գեներթում է, փանմէկ հաւ քակում փուռուց են անում, կեանքը հրաշալի է...

Զրջնած-ալած բակեր, ծառի հով, նստարան, վրան էլ թաղի կնանիք գիւղի կայծակնային նորութիւնները արեւածաղկի սերմի հետ չրթում-թփում են: Թեմաները բազմազան են: «Լուրջ ու խնդրայարոյց» հարց է օրինակ, թէ Ամերիկան «ընչի՞ է փթը խոթել Վիետնամ»:

—Ա՛յ աղջկերբ, Վիետնամը մի կողմ, էս մեր Բրեժնեւի չանան ասում են պլաստիկ են դրել:

—Ապրի՛ արեւդ, պլաստիկ ա, շատ խօսալուց էլ թուլանում-կախում ա: Պէտք ա միշտ ձգել:

—Տո մենակ չանա՞ն: Տարիք կայ, բան կայ, տարիքդ որ եկաւ, ամէն բան էլ կը թուլանայ: Դու հա՛ ձգի...

—Կնանի՛ք, ինչ կ'ուզէի ասէի, բայց աշխարհի մէջ մեր Կարէն Դեմիրճեանից տեսնով-շնորհիվ մարդ չկայ: Մեր գեղի կողմերն էլ չի գալիս, մի գնամ կու՛շտ նայիմ:

—Էս վերին թաղերում էլ «չոմալան» հիւանդութիւնն ա կպել հաւերին: Կոտորում են խեղճ հեյուանները:

—Այ աղջի, ի՞նչ ես ասում, ունեմ—չունեմ ֆամմէկ հատ հաւ ունեմ: Մացոյիս ձուածեղը որ պակասեց, ինձի կը մորթի: Գնամ, հիմա պրծած կը լինի, սեղանը գցեմ:

Մացոն աւարտել էր օդու գործը, թերմածֆ—փուշը լցրել հողի մէջ իբրեւ պարարտանիւթ, օդին ամբարել, պահեստաւորել եւ, արդիւնֆից գոհ, նստել ծխում ու նայում էր մայրամուտին:

—Այ կնիկ, ընչի՞ ուշացար:

—Մացո՛, ջան, խօսքով էի ընկել, հիմա հացը կը դնեմ:

Կերան: Պառկեցին քնելու:

—Էս տեղաշորն էլ էնքան սառն է որ:

—Տեղաշորը սառն է, մի քիչ մօտ արի: Բրեժնելի չանան ա. թուլացել, դու՞ ընչի ես հեռու պառկում...

—Այ կնիկ, Բրեժնելի՞ն ընչի յիշեցիր էս գիշերուայ կեսին:

—Աղջկերքն էին ասում: Մէկ էլ ասում էին, որ վերին թաղերում «չումալանը» հաւերին հնձում ա: Մերիններին՞ն քան չլինի... Ես ամէն օրուայ ձուածեղը տեղը պահեմ, ոչ մի տեղդ էլ չի թուլանայ...

—Էլի գժուեց էս կնիկը...

Առաւօտեան Յասմիկը դուրս էր եկել բակ, ամէն օրուայ պէս ջրջնում—աւում էր: Մէկ էլ ի՛նչ...

—Մացո՛, զարթնի՛, տուններս ֆանդուե՛ց...

Քսանմէկ հաւ՝ սատկած—ընկած, որը հողամասում, որը բակի այս ու այն կողմում: Մարդ ու կին հարայ—հրոցից, լաց ու կոծից յետոյ որոշեցին, որ հաւերը տանեն թափեն առուն:

—Մացո՛, արի էս հաւերը փետրենֆ, չորս—հինգ հատ լաւ բարձ կը լինի:

—Այ կնիկ, ժլատութիւնդ բռնե՞ց, գիւղացիքին վրաներս խնդացնել էս տալու: Ո՞վ է տեսել սատկած հաւը փետրեն:

—Ախր, ասում էի աղջկայ օժիտի բարձերը սրանցով դուրս կը գար...

—Լաւ, ներս բեր մարդ—մուրդ չտեսնի:

Մացոն ու Յասմիկը մէկ—մէկ փետրահաւն արեցին, հաւերն էլ տարան լցրեցին առուի դօշը՝ շուն ու առնետի բաժին:

Խաղաղ երեկոն էր իջել գիւղի վրայ: Հանելի խշխշում էին բարդիները:

Մեր փուշը նաշակած, հարբած հաւերը, սթափուելով՝ կամաց—կամաց ուշֆի են գալիս ու ետեւ—ետեւի, օրօրուելով դառնում դէպի տուն: Քսանմէկ տկոբ հաւ շորորալով, անառակ որդիների նման վերադառնում են «հայրենի օջախ»...

—Մացո՛, հաւերին ֆշի հաւաքուն, ամբողջ գեղով խայտառակ եղանֆ:

Այդ աղմուկ—աղաղակը, մերկ հաւերի շֆերթը, կշկշոցն ու դողողը լսում է Մացոյենց հարեւան վկլ Կոլյան: Մականունից յայտնի է, որ արագախօս Կոլյայի համար գիւղով լուր տարածելը «սրբագան պարտա—

կանութիւն» է: Իմանալով եղելութիւնը եւ երդուելով, որ բերանը փակ կը պահի, Կոլյան հեծնում է իր հեծանիւր...

Կէս ժամից գիւղը ամենայն մանրամասնութիւններով ապահովուած էր Մացոյեանց հաւերի փուշ ուտելու, հարբելու, աղջկայ օժիտի համար փետրուելու եւ առուի ափից տկոյր վերադառնալու մասին:

Մացոն ու Յասմիկը մէկ ամիս գիւղամէջ չէին երեւում...

Սիրելի բարեկա՛մ, սա իմ պատմութիւնն էր մեր գիւղի ու գիւղացիների, մեր նիստ ու կացի եւ տկոյր հաւերի մասին: Հիմա Մացոն չկայ: Չկայ նաեւ Կոլյան: Յասմիկն էլ՝ էսօր-էգուց: Չկան գիւղամիջում կարգով նստած իմ պապերը. կարգով եկան-անցան: Կայ մեր գիւղը, նրա դիմաց Արարատ լեռը՝ մեր լացի ու ծիծաղի լուռ վկան...

Տար ինձ այստեղից, բարեկա՛մ, չէ որ մի քանի թաղ այն կողմ մեր տունն է, ուր տատս է նստած թթենու ստուերում, ուր ծնողներս են երիտասարդ, սեւահեր, ուր եղբայրներս են խաղում աւագի վրայ...

Տա՛ր ինձ այստեղից: Եթէ մի փոքր էլ մնամ, էլ ինձ չես գտնի գիւղի փոշոտ փողոցներում, էլ ինձ չես պոկի մեր տան թթենուց:

Դնամ, խրուեմ կեանքի կեղտի մէջ, քարշ տամ ապրելիք մի քանի օրս ու ետ դառնամ գիւղամիջում չիրուխ ծխող նախնիներիս, ձեռնափայտով մեր տան ճամբան ցոյց տուող պապիս, կանաչ շալն ուսին գցած, թթի ծառի շուաքում նստած տատիս եւ քե՛զ, իմ հայրենի գիւղ ու մանկութիւն:

Նո դառնամ ու հանգիստս գտնեմ ձե՛ր մէջ, ձեր թեւերի վրայ:

ԸՆԾԱՆՈՒԷՐ ԱՐԴ. ԲԱԲԱՆԱՆԵԱՆ